

**«ԵՎՐԱՍԻԱԿԱՆ ՏՆՏԵՍԱԿԱՆ ՄԻՈՒԹՅԱՆ ԱՆԴԱՄ ՉՀԱՆԴԻՍԱՑՈՂ ՊԵՏՈՒԹՅՈՒՆՆԵՐԻՑ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՖԻԶԻԿԱԿԱՆ ԱՆՁԱՆՑ ԿՈՂՄԻՑ ԱՆՁՆԱԿԱՆ ՕԳՏԱԳՈՐԾՄԱՆ ՀԱՄԱՐ ՆԵՐՄՈՒԾՎՈՂ ԱՏԳ ԱՎ 8703 ԱՊՐԱՆՔԱՅԻՆ ԴԻՐՔԻՆ ԴԱՍՎՈՂ՝ 3-ԻՑ 5 ՏԱՐԵԿԱՆ ԹԵԹԵՎ ՄԱՐԴԱՏԱՐ ՏՐԱՆՍՊՈՐՏԱՅԻՆ ՄԻՋՈՑՆԵՐԻ ՆԵՐՄՈՒԾՄԱՆ ԽԹԱՆՄԱՆ ՊԵՏԱԿԱՆ ԱԶԱԿՑՈՒԹՅԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ՀՀ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԻԾ**

ՆԱԽԱԳԻԾ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

**ՈՐՈՇՈՒՄ**

2023 թվականի \_\_\_\_\_ N\_\_-Ն

ԵՎՐԱՍԻԱԿԱՆ ՏՆՏԵՍԱԿԱՆ ՄԻՈՒԹՅԱՆ ԱՆԴԱՄ ՉՀԱՆԴԻՍԱՑՈՂ ՊԵՏՈՒԹՅՈՒՆՆԵՐԻՑ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՖԻԶԻԿԱԿԱՆ ԱՆՁԱՆՑ ԿՈՂՄԻՑ ԱՆՁՆԱԿԱՆ ՕԳՏԱԳՈՐԾՄԱՆ ՀԱՄԱՐ ՆԵՐՄՈՒԾՎՈՂ ԱՏԳ ԱՎ 8703 ԱՊՐԱՆՔԱՅԻՆ ԴԻՐՔԻՆ ԴԱՍՎՈՂ՝ 3-ԻՑ 5 ՏԱՐԵԿԱՆ ԹԵԹԵՎ ՄԱՐԴԱՏԱՐ ՏՐԱՆՍՊՈՐՏԱՅԻՆ ՄԻՋՈՑՆԵՐԻ ՆԵՐՄՈՒԾՄԱՆ ԽԹԱՆՄԱՆ ՊԵՏԱԿԱՆ ԱԶԱԿՑՈՒԹՅԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության Սահմանադրության 146-րդ հոդվածի 2-րդ և 4-րդ մասերը և «Մաքսային կարգավորման մասին» Հայաստանի Հանրապետության օրենքի 338-րդ հոդվածի 6-րդ մասը՝ Հայաստանի Հանրապետության կառավարությունը ***որոշում է.***

1. Հաստատել Եվրասիական տնտեսական միության անդամ չհանդիսացող պետություններից Հայաստանի Հանրապետություն ֆիզիկական անձանց կողմից անձնական օգտագործման համար ներմուծվող՝ ԱՏԳ ԱՎ 8703 ապրանքային դիրքին դասվող՝ 3-ից 5 տարեկան թեթև մարդատար տրանսպորտային միջոցների (այսուհետ՝ Ավտոմոբիլ) ներմուծման խթանման պետական աջակցության ծրագիրը՝ համաձայն հավելվածի:

2. Հայաստանի Հանրապետության պետական եկամուտների կոմիտեի նախագահին՝ սույն որոշումն ուժի մեջ մտնելուց հետո մեկամսյա ժամկետում ներկայացնել առաջարկություն «Հայաստանի Հանրապետության 2023 թվականի պետական բյուջեի մասին» Հայաստանի Հանրապետության օրենքում վերաբաշխում և Հայաստանի Հանրապետության կառավարության 2022 թվականի դեկտեմբերի 29-ի «Հայաստանի Հանրապետության 2023 թվականի պետական բյուջեի կատարումն ապահովող միջոցառումների մասին» N2111-Ն որոշման մեջ համապատասխան փոփոխություններ և լրացումներ կատարելու մասին:
3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից և տարածվում է 2023 թվականի սեպտեմբերի 1-ից սկսած՝ 6 օրացուցային ամիս ժամանակահատվածում Եվրասիական տնտեսական միության անդամ չհանդիսացող պետություններից Հայաստանի Հանրապետություն ֆիզիկական անձանց կողմից անձնական օգտագործման համար ներմուծվող՝ ԱՏԳ ԱԱ 8703 ապրանքային դիրքին դասվող՝ 3-ից 5 տարեկան թեթև մարդատար տրանսպորտային միջոցների նկատմամբ, որոնց համար միասնական դրույքաչափով մաքսատուրքերի և հարկերի վճարումն իրականացվել է սույն կետում նշված ժամանակահատվածում:

Հավելված

ՀՀ կառավարության «\_\_\_» \_\_\_\_\_

N\_\_\_-Ն որոշման

### ԾՐԱԳԻՐ

ԵՎՐԱՍԻԱԿԱՆ ՏՆՏԵՍԱԿԱՆ ՄԻՈՒԹՅԱՆ ԱՆԴԱՄ ՉՀԱՆԴԻՍԱՑՈՂ ՊԵՏՈՒԹՅՈՒՆՆԻՑ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՖԻԶԻԿԱԿԱՆ ԱՆՁԱՆՑ ԿՈՂՄԻՑ ԱՆՁՆԱԿԱՆ ՕԳՏԱԳՈՐԾՄԱՆ ՀԱՄԱՐ ՆԵՐՄՈՒԾՎՈՂ ԱՏԳ ԱԱ 8703 ԱՊՐԱՆՔԱՅԻՆ ԴԻՐՔԻՆ ԴԱՍՎՈՂ 3-ԻՑ 5 ՏԱՐԵԿԱՆ ԹԵԹԵՎ ՄԱՐԴԱՏԱՐ ՏՐԱՆՍՊՈՐՏԱՅԻՆ ՄԻՋՈՑՆԵՐԻ ՆԵՐՄՈՒԾՄԱՆ ԽԹԱՆՄԱՆ ՊԵՏԱԿԱՆ ԱԶԱԿՑՈՒԹՅԱՆ

### 1. ԾՐԱԳՐԻ ՆԿԱՐԱԳԻՐԸ

1. Ավտոմոբիլների ներմուծման խթանման պետական աջակցության

ծրագրի նպատակն է խթանել Հայաստանի Հանրապետությունն նոր տրանսպորտային միջոցների ներմուծումը՝ հին տրանսպորտային միջոցներից առաջացող բնապահպանական վնասը մեղմելու, ինչպես նաև Հայաստանի Հանրապետությունում շահագործվող տրանսպորտային միջոցների թողարկման միջին տարիքը նվազեցնելու համար:

2. Ծրագրի իրականացման ժամկետն է 2023 թվականի սեպտեմբերից սկսած՝ 6 օրացուցային ամիս ժամանակահատվածը:
3. Ծրագրի իրականացումն ապահովում է Հայաստանի Հանրապետության պետական եկամուտների կոմիտեն (այսուհետ՝ Կոմիտե):
4. Ծրագրի շահառու է հանդիսանում Եվրասիական տնտեսական միության անդամ չհանդիսացող պետություններից Ավտոմոբիլ ներմուծող ֆիզիկական անձը (այսուհետ՝ Շահառու):
5. Սույն ծրագրի իրականացման ժամկետում ներմուծվող յուրաքանչյուր Ավտոմոբիլի համար, որի համար միասնական դրույքաչափով մաքսատուրքերը և հարկերը վճարվել են Հայաստանի Հանրապետության պետական գանձապետական համապատասխան հաշվին մինչև սույն որոշմամբ սահմանված ժամկետի ավարտը, յուրաքանչյուր Շահառուին կփոխհատուցվի՝ միասնական դրույքաչափով վճարված մաքսատուրքերի և հարկերի մեծության 50%-ը:
6. Ծրագրի շրջանակներում սույն հավելվածով նախատեսված փոխհատուցումը ստանալու նպատակով Շահառուն սույն ծրագրի իրականացման ժամկետում ներմուծված Ավտոմոբիլի հայտարարագրման նպատակով ներկայացնում է ուղևորային մաքսային հայտարարագիր՝ օրենսդրությամբ սահմանված կարգով և ժամկետներում: Ընդ որում, ուղևորային մաքսային հայտարարագրի ներկայացման ժամանակ իր անձնական տվյալների հետ ֆիզիկական անձը նշում է նաև սույն որոշումը, համարը և ընդունման տարեթիվը և ֆիզիկական անձի բանկային հաշվեհամարը, որին պետք է փոխհատուցվի Ավտոմոբիլի համար միասնական դրույքաչափով վճարված մաքսատուրքերի և հարկերի մեծության 50%-ի փոխհատուցման գումարը:
7. Կոմիտեն մինչև յուրաքանչյուր ամսվա 15-ը ուսումնասիրում է նախորդ ամսվա ընթացքում սույն ծրագրի 6-րդ կետին համապատասխան ներկայացված հայտարարագրերը և սույն ծրագրի իրականացման նպատակով ստացված միջոցներից իրականացնում է մաքսային մուտքի անդորրագրերում արտացոլված և վճարված մաքսատուրքի և հարկերի գումարի 50%-ի փոխհատուցում՝ փոխհատուցման գումարը փոխանցելով հայտարարագրում նշված բանկային հաշվեհամարին:
8. Սույն ծրագրի 7-րդ կետում նշած հաշվեհամարի ճշգրտության համար պատասխանատու է հայտարարագիր ներկայացնող անձը:
9. Ծրագրի ֆինանսավորումն իրականացվում է Հայաստանի Հանրապետության 2023 թվականի պետական բյուջեի ծախսերի հաշվին և նախատեսվում է իրականացնել 2024 թվականի պետական բյուջեի ծախսերի հաշվին: Ծրագրի բյուջեն կազմում է շուրջ 20 մլրդ. Հայաստանի Հանրապետության դրամ:
10. Սույն ծրագրի շրջանակներում Հայաստանի Հանրապետության պետական բյուջեից ստացված միջոցների չօգտագործված մասը

վերադարձվում է պետական գանձապետական համապատասխան  
հաշվին ծրագրի ավարտից մեկամսյա ժամկետում: